



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel XVIII. Vande stantaftighe belijdinghe van H. Nicolaes Poppel.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

Wijzen . Ende om hem mette doodt verbaert te maecten/ soo stellē sy op hem een pistolet oft handt-roer/ als oft sy hem ter-stondt souden deur-schieten/ ten ware dat hy hen den verborghenē schat toonde. Maer hy en herft niet connen ghegheuen dat hy niet en hadde/ noch oock connen verraden dat hy niet en wiste/ ghemerckt datter nergheringhs yet en was dat hy soude connen verraden toe-behoornde sijn arm Clooster/ daer hy een arm ouerste vā was.

CAPITTEL XVIII.

Vande stantastighe belijdinghe van H. Nicolaes Poppel.

SOm mighē vande quaedt-willige borghers hadden dē soldaten in t hoofdt gheblasen dat de Catholijcken seer vele geldts op t Casteel hadden gheblucht. D'welck sy-liedē waerachtigh meynende te zijn/ hebben alle middelen ghebruyckt/ om vande ghevanghenen te moghen weten waer de schatten verborghen waren. Hier-om soo hebben sy met meerder gheweldt beginnen te ouer-ballen H. Nicolaes Poppel den ionghsten Pastoor. Op wien sy daer-om meest verbittert waren/ om dat hy in sijne sermoonen vele dapperder ghewoon was de ketters metten neuse te nen en. Eerst hebben sy met dreyghende woordē begheert dat hy hen soude verraden de schatten vande kercke. Maer al-soo sijn stantastigheyd met dreyghementen niet beweeght en wierdt/ wilden sy gheweldt ghebruycken. Sy stelden hem deur hen/ ende hielen hem vast/ dat hy hem seluen niet en coste gherueren oft ghebooghen: daer naer sitteden sy een pistolet gheladen met loot op sijnen mondt/ als oft sy t souden af-gheschoten hebben. Ende nu en eyschten sy niet den schat van
goudt

goudt oft siluer/maer den inwendighen schat des
 waerachtighs ende Catholijcks gheloofs vele beter
 ende costelycker / die hy in sijn herte verborghen
 droegh. Ende ghelijck de Paus Leo seght van den
 H. Martelaer Laurentio: Des dupuels sergeanten
 worden ghewapent ende op-gheroept teghen Gods
 dienaer deur twee sackels/ deur de gierigheydt om
 het gheldt te stelen / ende deur de goddeloofheydt /
 om Chyristum te ontnemen. Wat verwondert ghy
 v dat ick segghe dat sy hem wilden Chyristum ont-
 nemen / ghemerckt dat niemandt buyten de heylighe
 Kercke ende t' Catholijck ghelooue Chyristum en
 can hebben oft besitten? Sy hebben dan met een
 bitter verwyjt hem beuolen (ware hy soo stout) dat
 hy nu soude belijden ende upt-segghe t'ghene dat
 hy dick-wils in sijne publike sermoonen teghen
 hen hadde ghepredikt / hem toe-sprekende al-dus:
 Hier ghy Paep / waer is nu uwen stouten mondt/
 ende v groot beroemen? die soo dick-wils op-den
 Predik-stoel met grooter moedigheydt hebt ghe-
 seght / dat ghy deur v ghelooue gheerne de doot
 steruen soudt. Wel-aen dan sprekt op ende andt-
 woordt / oft ghy nu ghereedt zyt die beroemende
 woorden mette wercken te vol-bzenghen ende uwe
 leeringhe mette doot te bevestighen. Hier op heeft
 de heylighe man / deur het teghen-woordigh perijes-
 kel niet versaest / vzelijck urt gheantwoordt: Ja
 ick / gheerne sal ick de doot steruen deur het Ca-
 tholijck ghelooue / namentlijck deur d'welck ick ghe-
 looue dat het lichaem en bloedt onses Heeren Jesu
 Chyristi waerachtelijck teghen-woordigh is in het
 hoogh-weerdigh Sacrament onder de ghedaenten
 van broode ende wijn. Maer dese belijdenisse des
 gheloofs met claere updzuckelijcke woorden ghe-
 sprokē / anders niet meynende dan dat hy soude ter-

led ser.
 de sācto
 Laurēt.

stondt ghedoodt worden / soo heeft hy met luyder
 stemmen upt-gheroepen / al-soo dat-men't by-naer
 deur t'gheheele Castrel hoorzen meghte : In uwe
 handen / o Heere / beuele ick mijnen gheest. Dan de
 soldart die het pistolet ghestadigh hiel veur sijnen
 mondt / en heeft t'selue niet derren los schieten /
 want Godt sijn handt bedwongh / op dat de ghes-
 tuyghe des waerheydts boort-aen meerder materie
 van patientie soude vinden / ende daer naer meerder
 vergheldinge der glozien ontfanghen. Maer de sol-
 daté deur dese onderwinnelijcke vromigheydt meer
 ghetrucht zijnde / en noch al hopende aen den geldt-
 schat te gheraecken daer sy seer hittigh naer waren /
 hebben eenen anderen middel gheproeft om dien te
 doen wijken. Sy hebben eenen vande Minder-
 broeders sijn coorde af-ghedaen daer hy mede ghe-
 gozdt was / ende d'een eynde hebben sy ghestroopt
 om den hals vanden seluen Heer Doppel / d'ander
 eynde gheworpen ouer de deure vanden kercker /
 ende hem al-soo met groote crachte op-waerts ghes-
 trocken en weder-om neder-ghelaten / al-soo dick-
 wils ende vele dat de coorde vast stuytende hem by-
 naer verwozghde / ende dat hy by-naer sijnen gheest
 gaf. Welende nu in doodts noodt / soo vzaeghden
 sy hem ende praemden dat hy de schatten soude ver-
 raden. Maer al-soo hy van sijn veur-nemen niet af
 en weke / hebben sy hem naer vele andere quellin-
 ghen by-naer doodt zijnde los ghemaectit ende van
 hen laten gaen. De welke allenskens tot sijn seluen
 is ghecomen / ende sijnen adem heeft ghecreghen.
 Maer de kene oft teecken vande coorde daer sy soo
 grouwelijcken mede ghetrocken was (d'welck rond-
 om den hals goedt te merken was) heeft hy als een
 glorieus Confesseur Christi / totter doot toe bliuen
 houden.